

Fréttatilkynning frá Samtökum um Kvennalista

Landsfundur Samtaka um Kvennalista var haldinn dagana 10.-12. nóvember að Nesjavöllum í Grafningi. Landsfundurinn einkenndist af miklum umræðum um framtíð samtakanna. Fundarkonur voru ekki á einu máli um hvaða leiðir væru vänlegastar í baráttunni fyrir kvenfrelsi. Það varð niðurstaða landsfundar að efla þyrfti Kvennalistann og snúa vörn í sókn. Framkvæmdarráði Kvennalistans var falið að koma umræðunni í frjóan farveg í öllum öngum Kvennalistans þar sem ræddar yrðu til hlítar mismunandi leiðir að settu marki. Það var mikil eining um það á landsfundi að baráttunni fyrir kvenfrelsi og bættri stöðu kvenna væri hvergi nærrí lokið. Það sjónarmið kemur mjög skýrt fram í ályktun sem samþykkt var á landsfundinum og hér fylgir með. Þar segir að settu marki hafi ekki verið náð fyrr en kynferði hættir að hafa áhrif á aðstæður, starfsferil og kjör fólks. Ýmis þjóðmál voru rædd í hópum, en formlegar ályktanir voru ekki gerðar um þau. Landsfundur Kvennalistans samþykkti að gera launamismun kynjanna að meginviðfangsefni næsta árs. Þá samþykkti landsfundur að viðhalda útskiptareglu Kvennalistans sem kveður á um að fulltrúar hans sitji ekki lengur en tvö kjörtímabil. Nýjar starfsreglur fyrir þingflokk Kvennalistans voru samþykktar sem miða að efla tengsl þingfloksins við aðrar Kvennalistakonur og gera fleiri röddum kleift að tjá sjónarmið Kvennalistans.